

Luæstio Medica,

quodlibetariis Disputationibus, mane discutienda in Scholis medicorum, die Jovis 19^a Novembris.

M. Ludovico Siquenot de Dragueville,
Doctore medico præside.

An in morbis epidemicis anni 1693
Emetica cum Phlebotomiâ curationis
tempora dividant & laudem?

I.

Morbi επιδημιοι dicuntur qui ejusdem generis plures ab eâdem causâ non vernaculâ simul corripiunt. Multifariam dividuntur: quæstio plerumq; de nomine. Horum frequens hoc anno familia, omnes pene regni regiones populata est. Hanc genuit anni tum præsentis tum elapsi constitutio vere epidemica. Illa continuis pene sine sole frigoribus horrida, nimbose, cæcis Bacchi ve muneribus infesta, ventriculi fermento vitiato, omnes affectus ab acido alieno, terrestri & impuro phlegmate, nec

non sapore peregrino, infectis humoribus
oriundos impune debacchari fecit. Hinc fe-
bres malignae, ventriculi tormina absque de-
jectionibus vulgo Cardialgia; alvi fluxus
multiplicis formae, et alia id genus, toto
anni decursu, suo quaeque ordine, plurimos
invadebant. Ortas sub finem hyemis febres
malignas, ad Autumnum usque excepere
ventriculi tormina: mox recrudescuntibus
Autumno febribus malignis; interea jam
ab anno & amplius alvi fluxus non unius
speciei eodem tenore saeviebant. Harum ce-
februm malignarum haec erant ut pluri-
mum symptomata: Aegrum subito &
seu assiduo capitis dolore corruptum, sopor
altus vel delirium occupat, pulsus adest
parvus, debilis, interdum inequalis; lingua
arida subnigra, virium insignis prostratio,
mox vero intensiore facto pulsu, alvus usque
dum sibilans solvitur continuo; tum alvi fluxus
putridus ad mortem usque perseverat; (quo
tempore saepius cadaver maculis pulicum
morsus instar, aut petechiis distinctum
apparet.) Hunc nausea, ructus, et dolor
in regione ventriculi interdum cruciant,
urina paucae & limpidae, vel nativum

colorem referunt: neque ullum futurae
criseos aut sperandae coctionis indicium pra-
se ferunt.

II.

Cardialgia instar febrium malignarum
vere epidemica, hisce pro more insignibus
manifestam se facit. Immanis ventriculi dolor,
alvi constrictio, singultus frequens, dispositio nau-
seabunda, vomitus ab interrupto saepius ventri-
culi & intestinorum commercio enormes, (unde
fit ut alimentis et leniora quae vis purgantia
qualitatem forciantur emeticam,) pulsus durus,
frequens, ingruente paroxismo intermittens,
inaequalis: abdominis dolor acerbissimus, acri
luctuosa facies, oculi flammei, totius corporis
praecipites et convulsivi motus, et alia mille
modis aegrum fatigans. Alvi fluxus, tum
dysenterici, tum sanguinis expectes ventri-
culum dolore vehemente et quasi terabranti
convellunt. adext intestinorum cruciatus, te-
nesmus, sequitur virium et spirituum infiq-
uis jactura: pulsus febrilis, parvus, durus,
corporis attenuationem comitatur; dejectioni-
bus (raro stercorosis) aliquando intertexuntur
sanguinis quaedam lineamenta, sanguis
interdum velut apertis fluens venis, praesens

minatur exitum. Horum affectuum fontem
in ventriculo delitescentem qui negaverit, videat
quæ causa præcesserit, quæ comitetur; perpen-
dat accurate symptomata et critica natura
molimina; Diversam percurrat fortem
medentium: singula ventriculum perni-
ciosâ humorum congerie gravatum &
obseffum ostendunt. Hunc nisi emeticis et
vacuantibus libera veris, causâ morbi non
fugiente, frustra auxiliatrices adhibeas ma-
nus.

III.

Ventriculus præcipua est corporis officina.
hujus structura ex insigni vasorum et ner-
vorum et nervorum appacatu, figurâ
ad usum apprimè delineatâ, mirâ fibra-
rum diversis contextarum ordinibus serie,
indeficienti succorum à glandulis ad id
destinatis scaturigine coalescit; ille non
tam sibi quam cæteris laborat: ut primos
patitur insultus, sic in graves labitur erro-
res, quibus ferendis universam ferre corporis
machinam in sui consortium trahit. Com-
mercium illud instituitur ope nervorum
ab octavo pari, nec non à plexibus pec-
toris hypochondriorum et mesenterii prodeun-
tium. Bene multarum ægritudinum parens

medicis plerumque imponitur, vitium in alia
viscera inique refoventibus: quæ in his mor-
borum non raro rejicitur alimentorum
triduo ante assumptorum indigesta moles,
non leve est peccantis ventriculi indicium.
Ventriculum a constitutione anni primario
affectum denotant, disjectus ægrorum appe-
titus, dispositio nauseabunda, ructus acidi
et ingrati, a peptia, frequentes vomitus materia
viscida, mucosæ, nigricantis et amaræ, non-
nunquam biliosæ, et viri descentis: ventriculi
dolor atrox, uberior flatuum proventus, et
alia ab acidâ, viscidâ, et terrestri humorum
congerie orta patheinata. Hujusce ventriculi
intemperiei causæ remotæ et epidemicae aeris
occulta et frigidior diathesis, (hujus insignis
vitium salivam et pulmones inficit, insensi-
bilem suppressit fluorem vel impedit.)
alimenta cruda, panis male fermentatus,
vina rancida, acido phlegmate obruta, aut
alienis infecta per summum nefas vene-
ris: veteris bacchi corrupta aut fucata in-
doles, luxuria in victu, liquorum seu spiri-
tuum ardentium frequens usus, lethales geli-
darum potionum et lascivæ delicie, &c.
His vitiatum ventriculi fermentum ulterius
serpens vix aut nunquam reparatur: in
intestinalis succos e cystifellâ et pancreatis

glandulosâ substantiâ prodeuntes corrumpi; hinc colici dolores et alvi fluxus. Mox sanguineum laticem subit, alienis impregnaturum fermentis; unde supra modum sanguinis effervescentia.

IV.

Natura tota reprimendis hostibus occupata omnes adhibuit vires, quibus de illis victrix evaderet. Hinc Epidemici morbi, (quippe morbus, natura conamen materiae morbificae exterminationem omni ope molientis.) Sub finem hyemis congestos humores ut expelleret, febiles motus excitavit, quibus defaecatus sanguis purior erumperet. Sanguinea moles particulis crassioribus et acidis imprægnata, et spiritus languidiores vel humorum copiâ præpediti secretionem vix perficiunt salutarem. Februm inde malignitas, sanguis corrumpitur, succedens diarrhoea naturæ defectum accelerat, quem comitatur Petechiarum eruptio, Symptomata non critica. Vide quam sit impedita toto morbi decursu natura. Adest pulsus parvus, debilis, inæqualis, formicans; capitis dolor comati proximus, excrementa supprimuntur, urina sanorum similis aut limpida parce fluit. Sequere ulterius naturam moventem

cardialgias. Ventriculus vicidiori humorum
progenie gravatus, fermentis alienis et
corruptis laceratus respuit alimenta. Succedit
gravis dolor, humores effervescentias patiuntur,
excandescunt spiritus, sequuntur nausea,
singultus, vomitus immanes: bilis effera veniens
in consortium effunditur in ventriculum,
una cum succo pancreatico: tunc dolor
atrox, alvi suppressio, emetica dispositio ab
inverso intestinorum motu peristaltico. suc-
cedunt plerumq; affectus colici; ileon, en-
terocoele, neplritides. Natura iidem impe-
ditâ alvi fluxus orti sunt: his ventriculi saburra
sepe in intestina exonerans foras pellitur.

His glandulae mesenterii iidem refortae hu-
moribus effunduntur in intestina et per a-
num ejiciuntur. Illa succis bilioso et pancrea-
tico unita colluvies, modo diarrhoeam genuit,
modo deterior facta dysenteriam. Undique
ingentes cruciatus, assiduo tenesmus solli-
citat, dejectiones mucosae, acres, maleolentes,
coloris varii fatigant. Abdominis sensatio tristic
lancinans indefinenter exagitat: frequentes
aegri patiuntur recidivas. Vis natura jam
jam periturae opem ferre? scrutare li-
tentem epidemici affectus constitutionem,
sic nostris conceditur cura laboribus. Insig-
ne ventriculi vitium, num solâ venae uberio-
ri sectione, num refrigerantibus et narcoticis

corrigere velis? sanguinis missio par non
est: refrigerantibus abundè ingestis ventri-
culus obruitur, non levatur; causâ morbi
remanente symptomata narcoticis mi-
tescent mox reditura. Num emetica ad-
hibeas? Illa quam bene de naturâ me-
rentur oppressâ. Singula tamen prudenti
commissa medico suum invenient locum.

V.

Curandis igitur constitutionis epidemicæ
morbis vena sectio, pro viribus ægri et symp-
tomatum ratione etiam repetita, nec
non emetica, tempora curationis dividunt
et tandem. Bî præsertim imbecilles naturæ
conatus adjuvi, fomes morbi protinus mitte-
batur foras. Mox natura propriis reddita
viribus, tuto, feliciter et alacriter instau-
ratur. febre malignâ correptis præser-
tim athleticis sanguis tuto mutatur modo
consulto. Noli cardialgias in longum protrahere,
anodænorum et juleporum auxilio fretus uni-
co, vana te futurae coctionis spes deludet:
varia occurrent symptomata sevimiora prio-
ribus. Alvi fluxus vix solis vacuantibus et
emetico parvè repetitis semel et iterum.
Num aliunde radix brasiliensis specificum
audis dysentericæ. Vide igitur principis obtes,
dum viger natura, dum febris mitior, leniora
symptomata: dum dolor in abdomine vagus,

singultus infrequentior: dum intestinorum
motus peristalticus nondum inversus, nec
Spiritus in furorem acti cohiberi valent, dum
materia morbiformes delitescit in ventri-
culo docilis, nec intestinorum ductus effera
subiit, nec humorum effervescit omnis
familia. Noli diuturnis dysenteriae tormi-
nibus agrum committere, vel macie con-
fectum sanguinis uberiori missione ad
extrema perducere. Ventriculum libera
protinus: hunc juvat sollicitare emeticis,
quos spiritus lacerasti, vitiosam saburram
ventriculi plicis adhaerentem, et aliena
fermenta expellere valeamus, constructis
fortiter repetitis vibrationibus tunicae ven-
triculi nervae fibris. Emeticis febris salu-
brior interdum apparebit occulta prius,
reliquis materia morbifica expellendis
aptissima: alvus occlusa aperietur, aut
comprimetur effusa: mitescat dolor, purga-
tioni parebit residuus morbiformes: natura
primus honor reddetur: venies post nubila
Serenus. Est in Emeticis modus, Electio, Dosis,
tempus, in manu Medici. Sapiens propinare
festinat, quae ex arte paravit convenientia.
Sciens de Dosi sollicitus detergere amat, movere
amat, movere pertimescit. Non omnibus
morbis conveniunt Emetica: illa neque omnes

ferunt acri; multa cardialgiam mentium-
tur. Quam diversa febrium indoles? quam
sibi ipsi dissimiles alvi fluxus? prudens
propriam discernat singulis medendi
rationem. Non emetica ferre valent cor-
pus infirmum, angustum pectus, debilis
pulmo, quadam constitutio ~~asthma~~ asthma-
tica. Nocent si aeger atrophici consumma-
tur, hæmoplthisi labores: si calculosus:
si renes infirmentur; si abdomen inflam-
matione, vel Sphacelo labores. Sin mi-
nus Emeticis utere semel et iterum, felicior
inde catharsis, usus opiatorum tutior.
Tristis igitur et insolita anni constitutio,
inde numerosa morborum cohors nostris
regionibus incubuit, ventriculum prima-
rio aggreditur: ille absque emeticorum
ope vix præcipitem avertens ruinam.

Ergo in morbis Epidemicis anni 1693
Emetica cum Phlebotomiâ curationis
tempora dividunt et laudem.

¶ Proponebat Parisiis Ambrosius Nicolaus
Chemineau, Senonensis, Baccalaureus Me-
dicus. anno 1693.

11. 13

1. 13. 11

13. 11. 11

